

## Yeshua un Israelita; ta nos Bendishon!!!

P'esei bisa e yunan di Israel: "Mi ta SEÑOR, lo Mi Libra boso di e trabou obligatorio na Egipto. Lo Mi pone un fin na boso sklabitut. Ku Gran Poder Mi ta Intervení: lo Mi Salva boso i kastigá e egipsionan mal kastigá. Lo Mi Tuma boso komo Mi Pueblo i lo Mi ta boso Dios. E ora ei boso lo sa ku t'Ami, SEÑOR, boso Dios, a Libra boso di trabou obligatorio na Egipto. Lo Mi hiba boso e pais ku Mi a primintí bou di huramentu na Abraham, Isak i Yakob. Mi ta duna boso e komo propiedat. Mi ta SEÑOR!" '(Éksodo 6:6-8).

## Yeshua un Israelita; ta nos Bendishon!!!

Solamente Bendishon di Dios ta hasi hende Riku, e no ta bini ku ningun klase di doló. (Proverbionan 10:22). SEÑOR ta duna Su Pueblo Fortaleza, SEÑOR ta dun'é Pas i Bendishon. (Salmo 29:11). Tera a duna su kosecha: Dios, nos Dios, ker a duna Bendishon. Sí, Dios manda Bendishon pa nos; laga tur skina di mundu respet'É! (Salmo 67:6-7)

## Yeshua un Israelita; ta nos Bendishon!!!

Awor aki den 2021 abo por ta puntra abo mes dikon Selebra un Fiesta di Dios ku ta bisa ku Dios Tata ta Libra abo, Salva abo, Tuma abo i Hiba abo e pais ku Dios a primintí bou di huramentu na Abraham, Isak i Yakob? Dikon Selebra un Fiesta di Dios ku ta bisa ku Dios Tata ta Libra abo di sklabitut?

## Yeshua un Israelita; ta nos Bendishon!!!

E Bèrdat ta ku awor aki den 2021 Yeshua ta un Bendishon pa Libra abo di sklabitut, pasobra Yeshua a bisa e Israelitanan ku a Kere loke EL a bisa: 'Si boso keda Fiel na Mi Palabranan, i kontinuamente Obedesé Mi Enseñansa, Bibando di akuerdo ku nan, e ora ey boso ta Mi Disipelnan di Bèrdat. Boso lo Konosé e Bèrdat tokante di Salbashon i e Bèrdat lo hasi boso Liber for di kastigu di piká.' Nan a bisa Yeshua: 'Nos ta desendiente di Abraham i nunca nos no tabata katibu di niun hende! Kon Bo por bisa: "Boso lo bira Liber?" ' Yeshua a respondé nan: 'Mi ta sigurá boso: tur hende ku peka ta katibu di piká (Juan 8:31-34).

## Yeshua un Israelita; ta nos Bendishon!!!

Ora abo disidí di bisa un hende Bendishon, esaki ta nifiká pa e tin Felisidat, pa e ta Spiritualmente Próspero, pa e ser Admirá, pa e tin Grasia di Dios, pa e tin Favor di Dios, pa e tin E Salbashon di Dios, pa e tin Alegria di Dios, pa e tin Satisfakshon den Dios, pa e tin Goso i Plaser den Dios, ku e ta Digno di Rèspèt, ku e ta Alimentá pa e Bondat di Dios, ku e ta Protegá dor di Dios Su Promesanan, ku e ta Spiritualmente Madurá, ku e tin e Pas Interno di Dios den su Bida, ku e ta Moralmente Balente, ku e ta Spiritualmente Konsiente ken e ta i ku e ta Sigurá di Dios Su Protekshon.

Bendishon ta bini pa tur esnan ku ta Obedesé Dios Su Preseptonan, Su Mandamentunan, Su Ordenansanan. Pa tur esnan ku ke sigi e Enseñansa!!!

25 april 2021

Sea Bendishoná ku e Amor di Dios Tata; Yeshua Mesias  
Un Fiel Sirbidó di Dios,  
Remsly L Riley.